



Trg pravde 10, 76100 Brčko distrikt Bosne i Hercegovine; web: jt-brckodistriktbih.pravosudje.ba; tel: 049/217-227; faks: 049/219-088; e-pošta: jtbd@jtbd.ba
Трг правде 10, 76100 Брчко дистрикт Босне и Херцеговине; web: jt-brckodistriktbih.pravosudje.ba; тел: 049/217-227; факс: 049/219-088; е-пошта: jtbd@jtbd.ba

Broj: T18 0 KT 0018250 25
Brčko, 25.03.2025. godine

Na osnovu člana 35. stav (2) tačka z) i člana 226. stav (1) Zakona o krivičnom postupku Brčko distrikta BiH, podižem

OPTUŽNICU

Protiv:

- 1. ALMIRA TAHIROVIĆA**, zvaní „Alko“, rođen ...2003. godine u Prijepolju,
- 2. ADEMA GAVRANOVIĆA**, zvaní „Mire“, rođen ...2003. godine u Tuzli,

Što su:

Dana 03.01.2025. godine, oko 21,30 časova, u ulici Zaima Mušanovića broj 153, Brčko distrikt BiH, gdje se nalazi sportska kladionica „RMCО“, u namjeri pribavljanja protivpravne imovinske koristi, svjesni da prijetnjom na život oduzimaju tuđu stvar, što su i htjeli, zajedno i po prethodnom dogovoru, ušli u prostorije kladionice na uzlazna vrata, kojom prilikom su na glavama imali kape, tzv. „fantomke“, gdje je odmah po ulasku u kladionicu Almir Tahirović izvadio i repetirao pištolj koji mu je bio za pojasom i usmjerio ga prema radniku kladionice S. S. i obratio mu se riječima „vadi pare odmah“, pri čemu je cijelo vrijeme držao pištolj usmjeren u pravcu S., prišao pultu, nakon čega je iz ladice ispod pulta oduzeo novac, kao i metalnu kasu plave boje u kojoj se nalazio novac, dok je Adem Gavranović prišao sa bočne strane pulta držeći u desnoj ruci metalni odvijač za odvijanje matica na točkovima i istovremeno zamahnuo više puta metalnim odvijačem prema radniku S., obratio mu se riječima „vadi pare brzo jebem li ti majku“, nakon čega su se udaljili iz kladionice, čime su za sebe pribavili protivpravnu imovinsku korist u iznosu od oko 780,00 KM, za koji iznos su oštetili vlasnika kladionice „RMCО“,

dakle, prijetnjom da će direktno napasti na život drugog oduzeli tuđu pokretninu s ciljem da njenim prisvajanjem pribave sebi protivpravnu imovinsku korist, pri čemu je upotrijebljeno oružje,

čime su učinili krivično djelo – Razbojništvo – iz člana 283 stav (2) u vezi sa članom 31 Krivičnog zakona Brčko distrikta BiH.

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****